

**BOSNA I HERCEGOVINA - БОСНА И ХЕРЦЕГОВИНА**

*Agencija za razvoj visokog obrazovanja  
i osiguranje kvaliteta/kvalitete  
Bosne i Hercegovine  
Banja Luka*



*Агенција за развој високог образовања  
и обезбеђивање квалитета  
Босне и Херцеговине  
Бања Лука*

*Agency for Development of Higher Education and Quality Assurance of Bosnia and Herzegovina*

Broj: 05-33-1-427-2/21

Datum: 09.11.2021. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Slobomir P Univerzitet, Bijeljina**, na osnovu prijedloga Agencije za visoko obrazovanje Republike Srpske, direktor Agencije za razvoj visokog obrazovanja i osiguranje kvaliteta Bosne i Hercegovine donosi

**R J E Š E N J E**

**o imenovanju Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove, odnosno studijskih programa Slobomir P Univerziteta, Bijeljina**

1. Imenuje se Komisija domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova, odnosno njihovih studijskih programa (u daljnjem tekstu: Komisija stručnjaka) u postupku akreditacije visokoškolske ustanove, odnosno studijskih programa **Slobomir P Univerziteta, Bijeljina**, u sljedećem sastavu:
  - 1) Prof. dr Ljubinko Mitrović, stručnjak iz reda akademske zajednice BiH, predsjednik
  - 2) Prof. dr Dražena Gašpar, stručnjak iz reda akademske zajednice BiH, član
  - 3) Prof. dr Mladen Veinović, međunarodni stručnjak, član
  - 4) Marina Novković, stručnjak iz reda privrede i prakse, član
  - 5) Duško Kostić, student, član
2. Komisija stručnjaka iz tačke 1. u postupku akreditacije ustanove postupat će na osnovu Okvirnog zakona o visokom obrazovanju u Bosni i Hercegovini (u daljnjem tekstu: Okvirni zakon), Odluke o normama kojima se određuju minimalni standardi u području visokog obrazovanja („Službeni glasnik BiH“, broj 100/11 i 26/19) (u daljnjem tekstu: Odluka o normama), Odluke o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16), Odluke o kriterijima za akreditaciju studijskih programa prvog i drugog ciklusa studija u Bosni i Hercegovini („Službeni glasnik BiH“, br. 47/17) i drugih dokumenata Agencije za razvoj visokog obrazovanja i osiguranje kvaliteta Bosne i Hercegovine (u daljnjem tekstu: Agencija) kojima je uređen postupak osiguranja kvaliteta, kao i propisima Agencije za visoko obrazovanje Republike Srpske kojima je uređen proces akreditacije visokoškolskih ustanova i studijskih programa.
3. Komisija stručnjaka dužna je konačni Izvještaj o eksternoj evaluaciji visokoškolske ustanove dostaviti Agenciji BiH u skladu sa propisima nadležne obrazovne vlasti koja je predložila imenovanje Komisije stručnjaka.

4. Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije stručnjaka kojim se preciznije razrađuju prava i obaveze ugovornih strana,
5. Rješenje stupa na snagu danom donošenja.

### **O b r a z l o ž e n j e**

Agencija za visoko obrazovanje Republike Srpske dostavila je 29.10.2021. godine Prijedlog za imenovanje Komisije stručnjaka za Slobomir P Univerzitet, Bijeljina, broj: 01/1.5.408-8/19 od 27.10.2021.godine u kojem je predloženo da Agencija imenuje Komisiju stručnjaka koja će obaviti posjetu visokoškolskoj ustanovi **Slobomir P Univerzitet, Bijeljina** i na osnovu utvrđenog stanja, dati preporuku o ishodu akreditacije predmetne visokoškolske ustanove i trinaest studijskih programa: Informacione tehnologije (prvi i drugi ciklus), Pravne studije (prvi i drugi ciklus), Ekonomija i menadžment (prvi i drugi ciklus), Anglistika (prvi i drugi ciklus), Muzika (prvi i drugi ciklus), Grafički dizajn (prvi i drugi ciklus), i Poresko-finansijska analiza (prvi ciklus).

Cijeneći sadržaj podnesenog prijedloga, a postupajući u skladu s Instrukcijom o načinu imenovanja komisije stručnjaka za akreditaciju, broj: 05-02-1-71-1/16 od 28.01.2016. godine Agencija je utvrdila sljedeće činjenično stanje. Na osnovu uvida u Listu stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova, odnosno studijskih programa, koja je dostupna na internet stranici Agencije, utvrđeno je da se predloženi članovi Komisije nalaze na utvrđenoj Listi stručnjaka.

Komisija stručnjaka u postupku akreditacije visokoškolske ustanove **Slobomir P Univerzitet, Bijeljina** dužna je primjenjivati Okvirni zakon kojim su propisane nadležnosti učesnika u postupku akreditacije i Odluku o normama kojom je detaljnije regulisan način rada komisije stručnjaka i sadržaj Izvještaja o eksternoj evaluaciji. Dalje, Komisija stručnjaka dužna je primjenjivati propise Agencije za visoko obrazovanje Republike Srpske kojima je uređen proces akreditacije visokoškolskih ustanova i studijskih programa, Odluku o kriterijima za akreditaciju visokoškolskih ustanova u Bosni i Hercegovini kojom su utvrđeni kriteriji čiju ispunjenost provjerava Komisija stručnjaka prilikom posjete visokoškolskoj ustanovi i ocjenu usaglašenosti visokoškolske ustanove sa kriterijima Komisija stručnjaka detaljno opisuje u svom Izvještaju.

Odlukom o normama propisano je da vanjsko osiguranje kvaliteta treba biti organizirano tako da se odluke o kvalitetu donose nezavisno od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta, izbjegavajući bilo koji sukob interesa. Slijedom navedenog, imenovana Komisija stručnjaka, kao nezavisno tijelo, dužna je sačiniti Izvještaj o eksternoj evaluaciji koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku.,

Konačan Izvještaj o eksternoj evaluaciji Komisija stručnjaka dostavlja nadležnoj obrazovnoj vlasti koja je predložila imenovanje. Na osnovu dostavljenog Izvještaja o eksternoj evaluaciji, u kojem je sadržano mišljenje Komisije stručnjaka o ishodu akreditacije visokoškolske ustanove i navedenih studijskih programa, Agencija daje preporuku o ishodu akreditacije nadležnoj obrazovnoj vlasti koja donosi rješenje o ishodu akreditacije visokoškolske ustanove i studijskih programa.

Za poslove koordinacije postupka sa nadležnom obrazovnom vlasti se određuje Maja Macan, viši stručni saradnik za osiguranje kvaliteta.

Ovo Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije stručnjaka kojim će se preciznije regulisati prava i obaveze ugovornih strana

**Pravna pouka:**

Protiv ovog Rješenja može se izjaviti prigovor direktoru Agencije u roku od 8 dana od dana prijema.



**Dostavljeno:**

1. Imenovanim članovima  
Komisije stručnjaka,
2. Agenciji za visoko obrazovanje Republike Srpske
- ④ 3. Sektoru 05
5. a/a